



Broj: 13-11-4-6074/23
Sarajevo, 9 10.2023. godine

Na osnovu člana 69. stav (3) Zakona o javnim nabavkama ("Službeni glasnik BiH", br. 39/14 i 59/22), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka) i člana 200. Zakona o upravnom postupku ("Službene novine Federacije BiH", br. 2/98, 48/99 i 61/22), a na prijedlog Komisije za javne nabavke roba, radova i usluga, Općinski načelnik donosi

ODLUKU o otkazivanju postupka javne nabavke

I

Otkazuje se postupak javne nabavke radova „Izgradnja kanalizacione i vodovodne mreže u ul. Petra Sinana Šaina – nepredviđeni radovi“, iz utvrđenih razloga koji su izvan kontrole Ugovornog organa, a koji se nisu mogli predvidjeti u vrijeme pokretanja predmetne javne nabavke.

II

Za izvršenje ove Odluke zadužuje se Služba za zajedničke poslove.

Obrazloženje

Postupak javne nabavke proveden je putem postupka pregovaračkog postupka bez objave obavještenja o nabavci, a pokrenut je na osnovu Odluke Općinskog načelnika broj: 13-11-4-6074/23 od 21.08.2023. godine.

Procijenjena vrijednost javne nabavke sa PDV-om je: 184.000,00 KM (slovima: stotinuosamdesetčetirihiljade i 00/100 konvertibilnihmaraka)

Broj informacije o pregovaračkom postupku bez objave obavještenja o nabavci: 935-4-3-159-20-3/23 od 24.08.2023. godine u 11:54 sati

Komisija za javne nabavke roba, radova i usluga je imenovana Odlukom Općinskog načelnika o pokretanju postupka javne nabavke broj: 13-11-4-6074/23 od 21.08.2023. godine.

U predmetnom postupku utvrđeno je da je Komisija za javne nabavke roba, radova i usluga izvršila ocjenu kvalifikovanosti ponuđača, te nakon zaprimanja početne ponude izvršila pregovore sa ponuđačem MIBRAL d.o.o. Sarajevo, o čemu je sačinila Zapisnike.

Iz Zapisnika o zaprimanju konačne ponude vidljivo je da je do dana 19.09.2023. godine, pristigla ponuda slijedećeg ponuđača:

R. br.	Naziv i sjedište ponuđača	Ukupna ponudena cijena sa PDV-om
1.	MIBRAL d.o.o. Sarajevo	183.859,76 KM

Iz Zapisnika o pregledu i ocjeni konačne ponude Komisije za javne nabavke roba, radova i usluga je vidljivo da je Komisija za javne nabavke roba, radova i usluga izvršila uvid u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da je konačna ponuda ponuđača MIBRAL d.o.o. Sarajevo formalno-pravno ispravna te da ispunjava uslove, odnosno zahtjeve ugovornog organa tražene tenderskom dokumentacijom za izradu konačne ponude - III dio.

Zatim je Komisija za javne nabavke pristupila razmatranju finansijskog dijela konačne ponude ponuđača MIBRAL d.o.o. Sarajevo, te je izvršena računska provjera dostavljene konačne ponude i utvrđeno je da

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickipostlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.

iznos konačne ponude razlikuje od cijene konačne ponude postignute na pregovorima održanim sa ponuđačem dana 14.09.2023. godine.

Zapisnikom o obavljenim pregovorima broj: 13-11-4-6074/23 od dana 14.09.2023. godine konstatovano je da su obavljeni pregovori između ponuđača MIBRAL d.o.o. Sarajevo i Općine Novo Sarajevo kao ugovornog organa u pregovaračkom postupku bez objave obavještenje o nabavci.

Nakon završenog postupka pregovaranja Komisija za javne nabavke roba, radova i usluga je konstatovala da je ponuđač MIBRAL d.o.o. Sarajevo pristao na sniženje svoje ponudene cijene, te je pristao dostaviti konačnu ponudu u iznosu od 156.630,60 KM bez uračunatog PDV-a, odnosno 183.257,80 KM sa uračunatim PDV-om. Ponuđač je svojim potpisom dao saglasnost na Zapisnik o obavljenim pregovorima.

Dana 03.10.2023. godine Općina Novo Sarajevo je putem e-maila zatražila pojašnjenje u vezi finansijskog dijela konačne ponude, te odstupanja ponudene cijene od cijene postignute na pregovorima sa ponuđačem.

Ponuđač MIBRAL d.o.o. Sarajevo je u odgovoru dana 04.10.2023. godine dostavio obrazloženje u kojem je naveo da se dogodila greška prilikom pravljenja konačne ponude, te je poslao upit da li postoji mogućnost da dostavi konačnu umanjenu ponudu na protokol ugovornog organa.

S obzirom da je tenderskom dokumentacijom definisano da je krajnji rok za dostavu konačne ponude bio 19.09.2023. godine do 11:00 sati, Općina Novo Sarajevo kao ugovorni organ nije mogla prihvatiti novu korigovanu ponudu ponuđača izvan roka predviđenog da dostavu ponuda.

Komisija za javne nabavke roba, radova i usluga je jednoglasno predložila Općinskom načelniku da donese Odluku o otkazivanju postupka javne nabavke, u skladu sa odredbama člana 69. stav (3) Zakona o javnim nabavkama donese Odluku o otkazivanju postupka javne nabavke.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisija za javne nabavke roba, radova i usluga. Naime, u postupku je ocijenjeno da je Komisija u svemu pravilno postupila, te da je Odluka donesena u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav (3) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje 3 (tri) primjerka.


Naknada za pokretanje žalbenog postupka plaća se Uredu za razmatranje žalbi, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.

DOSTAVITI:

1. MIBRAL d.o.o. Sarajevo
2. a/a

OPĆINSKI NAČELNIK

Hasan Tanović



Općina Novo Sarajevo, ulica Zmaja od Bosne br. 55, Sarajevo, telefon: (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednicki_poslovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

